

安雅堂未刻稿

安雅堂未刻稿

入蜀集上

萊陽 宋 琬 玉叔 著

新城 王士正 貽上 定

宿遷舟中作

枕上統統伐鼓聲
布帆萬里此西征
敢辭蜀道青天遠
未聽巴猿白髮生
楓葉凋殘公路浦
烟花迢遞錦官城
暮年擊楫心猶壯
濁浪滔滔詎足驚

至月望日同劉雪舫李鏡月張鄴仙金六吉堵羽
三沈右文諸君登金山妙高臺翫月聽吳伶度曲
達旦作二首

驚濤如雪送扁舟絕頂登臨共倚樓返照焦山孤嶼出
晚潮瓜渚萬帆收東流白浪悲前代西上青天賦遠遊
來歲與君相望處瞿唐峽口月輪秋

潤州美酒近如何雙漿酤來泛綠波哀笛數聲驚宿鷺
空江終夜吼鳴龍上方月滿松杉冷下界人疑笙鶴過
高咏南飛烏鵲句醉揮甘蔗代銀戈

馬當

明星欲落片帆張夢覺人呼過馬當老去江淹才思短
猶能抽筆賦滕王

小孤山

虎牙高踞水中央，翠羽明璫祀女郎。
一賦巫山真作俑，鬼神雲雨盡荒唐。

人日發皖城

令節逢人日，扁舟尚客星。
挂帆常味爽，高枕閱空冥。
水鳥眠沙黑，江豚吹浪腥。
匡廬纔百里，翠色滿長汀。

放船

半夜檣烏轉，凌晨畫角催。
風吹五兩疾，雪擁萬山來。
古樹漁村出，平沙杜若開。
何時巫峽內，百丈暮猿哀。

蟠塘道中

江過潯陽路，幾灣柳條初。
落鳥關關布，帆莫怨東風緩。

看遍青青兩岸山

花朝未屆草萋萋沙渚烟村望欲迷歸雁數行皆北去
那堪風雨鷓鴣啼

鎮日攤書面翠微白雲層疊抱柴扉尋源不待桃花發
便欲移家買釣磯

春風連夜滿牙旗此去黃州兩日期稚子貪趨上元節
老夫欲補昨遊詩

十二夜泊田家鎮

捲幔看青嶂停橈俯白沙風光如二月烟火近千家燒
燭吳歌發歸村楚語譁更闌笑兒子牽袂索銀花

神鴉行

漢江春水波澄澄鵠首上與蛟龍競鄔家穴連富池口
羣鴉來集呼其朋鳴聲啞啞類巫覡或云此物神所憑
送往迎來有疆界馳驅不異尉與丞長年三老繆恭敬
豚肩生切紛肴烝得食高飛去復返須臾饗飫還相矜
就中三五喜蔬食前身豈是匡廬僧山雞白鵲盛文采
所悲羅畢愁蒼鷹豈若爾曹享安飽虞人不敢施長矰
我聞君山之神堯二女湘娥靈爽古所稱估客椎牛薦
芹芷神鴉千百常飛騰帝子何年始分命附庸此土誇
鄒滕安得送我過西塞長風一夜達江陵黃牛白狗在

安雅堂宋刻稿以觀原目
三
咫尺一杯酬汝勿汝憎

癸丑上元游赤壁作

步履臨臯芳草生斷崖千尺夕陽橫賦成赤壁人如夢
江到黃州夜有聲雪後歸鴻頻代謝渚邊孤鶴自哀鳴
烟波極目憑闌客載酒還應酌月明

又題二絕

大江東去大蘇詞斷碣模糊碧蘚滋高唱何須銅綽板
玉簫金管付吳兒

垂楊酒肆颺青旂徑尺鱸魚買釣磯有客吹簫踏明月
東方未白莫言歸

黃州得王雪洲書約以次日至舟中病不果來以
詩訊之

擬向西軒宿開樽話別離如何今夜月空有故人期雙
屐臨江返孤帆上峽遲相思憑尺素幾日到裴觥
雙流夾

扁舟趁鄂渚風逆晝長陰此日春江上澄波清我心閒
雲隨臥起幽鳥共浮沉西望晴川閣憑虛試一臨

陽羅驛阻風作

澤國行將半蕭蕭雁北歸江從潁口合山接漢陽稀舟
子催添篋家人問改衣瞿唐真萬里浩蕩客心違

舟中卽事

八首

葭菼汀洲路蒼茫問楚都
龍鼉朝出浴鳧鳴夜相呼
隔岸人烟渺中流月影孤
衰遲還自笑行止任檣鳥
春水櫓聲柔揚舠觸白鷗
買薪矮柳鎮沽酒散花洲
漁父舟如履江村竹作樓
西來羨估客昨夜宿巴邱
侵曉鷓鴣鳴江流黃歇城
長魚如土賤高浪與船平
岸圻蘆根出泥鬆薺葉生
興來攜弱子故作踏青行

卜日勞龜策南征判隔年
踐更諸僕倦逆浪小僮牽
病齒尋醫案看碁抵晝眠
忽聞津吏報覓得峽中船

清鹽攤書坐餘寒捲畫簾
沙痕三尺減柳色一分添
巴

微官元冷蠻方氣漸炎少陵詩句好愁絕蜀山尖
戍鼓夜憑憑勞人寢復興我行纔赤壁何處是黃陵
起還依槩魚跳不受習浮生如退鷁風伯未須憎
墟落沿沙岸江黃舊俗遺雨來神女暮風是庶人雌
柵深防虎桑弓出射麋楚巫春社醉猶唱九歌辭
老作成都客飄搖愧卜居招魂詞賦客訪古歲時書
道王程速猿啼鄉信疎同舟親串喜新食武昌魚

江上阻風

睡起無聊倚舵樓瞿唐西望路悠悠長江巨浪征人淚
一夜西風共白頭江水遇風謂之白頭浪

舟中無事忽憶故鄉海錯之美因疏其狀戲爲俳體

青魚長不盈尺青脊赤腮立春後有之肉香而鬆隨
筋而脫骨磔磔如蝟毛軟不刺口雌者腹中有子長
濶竟體嚼之有聲雄者白最佳初入市價頗昂旣而
傾筐不滿十錢海上人用以代飯謂之青魚粥

枕上春鶯向曉鳴故園風物最關情青魚白勝西施乳
堪笑河豚浪得名

帶魚無鱗鬣形如束帶長六尺餘色瑩白如銀燐燐
有光采若刀劍之初淬者然故又謂之銀刀首尾一

骨味與常鱗迥殊臍上下數寸尤美膠西人漬之以糟走數千里不壞

銀花爛熳委筠筐錦帶吳鉤總堪場千載事諸留俠骨至今七箸尚飛霜

海鮓海中之鰾也巨口大眼魚目之美無踰此者土人呼爲佳季不知何指其來以三月上旬諺云椿芽一寸佳季一陣惟登州四時有之蓬萊閣下多怪石漁人垂綸其上一掣而得之千尋巨浪之中好事者掬海濱之水就烹之不加鹽豉其味逾鮮好島嶼參差萬里一碧雪霽烟收荷蓑笠者錯出其間蓋善書

者莫能圖也

銀鉤纔脫已充盤漁父烟蓑五月寒彈子窩邊明月好
十年空負釣魚竿

蠋黃生海濱石上戴殼爲屋纍纍如蜂房漁人於潮
落時以針釐其罅而取之投釜中一沸而熟益以薑
桂味甘而不膩吾邑邢村一帶所產甚夥然不若登
郡之肥美大者如雞卵也萊州之東有神山予幼時
嘗登其巔石上蠋房櫛比乃悟海水桑田之說未盡
虛誕然歲久不腐其殆化爲石也歟

懸崖簇簇綴蜂房醞酒偏宜子母湯何物與君堪婦奴

江瑤風味畧相當

蛭介蟲而穴居各爲一孔潮退視沮洳間歷歷如竹
篩眼鉤而致之俄頃千百狀類螭蟻無口眼而以鼻
鳴以井水浸之腹中泥盡吐出用以糝麵最佳周身
有甲長二寸許大者或五六寸體肥而肉脆以其甲
似竹筒故名筆管蛭又有以刀靶名者江淮間取以
爲腊蓋形同而族異云

雕蟲小技舊知名食邑由來號管城曾與江郎書恨賦
莫將刀筆博公卿

車水灣作

疎雨夜霏霏江流春渙渙檣烏無定吹沿洄觸崩岸挂
席方南浮回橈復北亂遙見牽舟人細似沙中雁芳草
不受履澄波斯可鹽猗嗟行路難茲焉得蕭散

彝陵

州有至喜亭歐陽公記今亡矣

亂山廻合郡城樓城外巴江萬里流估客東來應自喜
征人西上迴堪愁數家雞犬新生聚晚市魚蝦不易求
猶有茅堂名絳雪醉翁詞翰若爲留

彝陵候舍姪稼菴不至

醉別鍾陵雨雪天愁心終夜片帆懸折殘楊柳無多日
開遍桃花已隔年伴侶須求三峽客家書難覓九江船

燈前萬里瞿唐路不待猿啼已泣然

宜都阻雨入夜始霽自荆門虎牙山而上羣峰絡
繹險怪萬狀蜀江之奇自此始

艤舟背山郭寒雨方淒淒愛此澄江水色映青玻瓈北
岸殊不然一石五斗泥同流判清濁勢與涇渭齊宵分
星漢出振柁鳴晨雞虎牙旣雄亘荆門不可梯羣峰互
方圓參差壁與珪層巔挂飛梁千仞垂虹蜺石子何磊
磊往往絕徑蹊榜人半赤腳重繭如馬蹄小子但果腹
歌嘯忘酸嘶嗟予懷寸祿遠適瞿唐西巫山渺安極巘
嶂方端倪晨夕展遊眺童穉相提携快哉篷窗內偃息

成幽棲

泊舟夷陵作

百丈挽孤舟，臂諸禦勍敵。黃頭運長篙，森然列矛戟。伐鼓以爲節，進止有成畫。喧呼震雷霆，魚龍應辟易。草間覓微路，蜿蜒入山脊。蜀兒誇身手，攀緣類蜥蜴。乘風張素帆，眩目失青壁。蒙茸巖際花，斑駁沙邊石。小市聞魚腥，近郊畱虎跡。夷陵楚西門，歷年困兵革。黃牛未百里，江流疾如射。雲岑莽虧蔽，波濤相委積。蕪沒明妃村，蒼涼屈原宅。景物足流連，畏此簡書迫。浩歌對鷗鳥，俯仰悲行役。

南津關 卽西陵峽

奮棹入西陵，實惟三峽首。耳目霍然新，乾坤劃初剖。
江萬里來莽莽，開戶闢大禹。驅龍蛇羣，峰巒趨走錦屏。
百疊張翠壁，千尋陡崖谷。異昏明亭午，氣如西嶽歷青。
蘿幽籠葱白雲，厚繪事讓鴻蒙。天然色丹黝，怪石何時
崩。雷文辨蝌蚪，長年告中飢。步屨坐林藪，苔荒杖屨危。
徑仄趾相蹂，扞弓落雉媒。垂綸出魚舅，揮杯勸吾儕。此
樂良非偶。

黃茅灘

羣山夾江流，其形如囊橐。緬想太古前，神工勞斧削。直

下塞坤維高空插冥漠崩浪屢洄漩層巒迭參錯晷畫
象樓臺峇堯類城郭翠含青黛光白者爲粉堊沿廻路
已窮側轉忽開拓烟際見漁舟遙遙一秋籜涉險卻恬
嬉勝賞反驚愕渾似逢異書披覽得約畧行行止三舍
樵爨倚山腳方音聞鷓鴣暝色下猱獾洶洶怒濤哀嬈
嬈山泉弱興來抽短毫庶幾慰飄泊

黃金藏

仙人好樓居危椒結雲屋人言翠微裡縹緗滿金匱中
有三墳書倚相未曾讀我心增煩紆思欲發其麓巘扉
闕不開神物有宜蓄水邊嵐氣浮石上波痕蹙盤渦萬

車輪雷電未爲速俄瞻白日光稍喜見臯陸臧棹避潛蛟穿林響麀鹿平生懷遠遊垂老向巴蜀寓目歡妻孥戒心及童僕何事慕公卿窮年飽梁肉

黃陵廟

扁舟溯黃陵山川忽平衍有如太史遷文章格一變遠岫接青冥回岡雅蔥蒨懸泉界諸峰晴空搖素練沙頭露鷗尾朱甍抗山殿再拜陳江蘺牲牢表禋薦其神儼王者繡裳冠皮弁當年佐神禹隨刊拯昏墊遺形猶髣髴驅牛負刀劍事與化熊同世本闕編撰嗚呼夏后時龍蛇充把翫有窮射九鳥毛羽落金箭磨洗武侯碑傳

聞豈荒謬秉燭聽江聲徘徊至申旦

黃牛峽瀑布

瀑布傳何處匡廬五老峰今來三峽內飛灑萬芙蓉素練翻銀壁青天挂白龍欲扶藜杖去十里雨濛濛

使君灘

昔人已千載尚說使君名山色朝昏態江流日夜聲蛟龍春偃蹇象馬勢欲傾前路新灘險勞勞心骨驚

杜鵑花

望帝乘雲去不還杜鵑啼處血斑斑桃花尚恨無顏色深注胭脂染碧山

空舫峽

三日行惡灘魂驚面多垢忽見翠芙蓉高撐千列宿白
帝饗鈞天茲焉爲苑囿絳闕金銀臺故遣熊羆守嵯峨
削碧城燦然出新甃鬼神逞餘巧能事有雕鏤或如古
鼎彝詰曲橫篆籀或如帥武臣羽林擐介冑西南八九
峰嬋娟舞羅袖巖端結石芝古鐵開三秀微風吹綠波
片片龍鱗縐客心澹容與瞻望屢回脰新月出層雲吾
其聽哀狖

歎息

鼙鼓亂灘聲喧聒人耳鼓聲有時絕灘聲何日止朝

暮見黃牛相去不盈咫尺性命托最能艱危暫依倚健兒
御魚龍出沒洪濤裡登登踐亂石猛獸礪其齒俛視後
人頸仰接前人履帶屨洗泥沙流血殷雙趾裹鹽進麤
糲往往爭箸匕酬汝愧椎牛村醪味匪旨拜跪傾瓦盆
雷醉有深喜晨星光搖搖長竿刺烟水我僕方晏眠呼
之未肯起歎息復歎息此輩亦人子

捕魚行

新灘之險天下無瞿唐以東稱長途波濤壁立走雷電
下瞰疑是蛟龍都驟窺瀕洞破心膽坐觀笭簖成歡娛
漁人取魚逐灘響不勞烏鬼家家養年年巴蜀雪消時

千百爲羣魚大上歎珠跋扈氣成龍觸石驚跳力如象
騰身爭欲挾雲飛紅鬢翠鬣翻銀浪死生禍福只須臾
早見脩鱗出罾網已困泥沙尾尚搖半銜葦索頭還搶
寧論鰓鯉與鰌鱸百錢賤買充餽糧不分流膏兼飼犬
可憐登俎共牴羊我行見此欲掩鼻鮑魚之肆古所傷
落日回舟召親友吾儕幸脫鯨鯢口計日應嘗丙穴魚
爲君滿酌鄒筒酒

新灘歌

江水遠赴瞿唐門建瓴而下勢欲吞東過秭歸峽逾逼
雙崖突起成藩垣神龍在檻虎被縛自然掣拽還騰奔

巨石中央列戈戟雲霾雨蟄磐孤根滌洞未肯注東海
朝宗詎識天王尊天吳九首作窟宅當年割據哀公孫
老蛟畫號猿夜嘯估客萬里傷心魂疑是共工怒頭觸
崑崙折天柱又似樊將軍毛髮衝冠皆倒豎叢祠血食
飽淫昏開鑿無人念神禹岸邊林立黃頭兒負戴裝囊
半村女攀蘿捫葛勝丁男頭上銀釵已非古行旅紛紛
學魚貫鄰船隔舫更相喚一舟纔過萬人呼沙頭雜坐
忘餐飢西來舸艚去如箭死喪之色人人面濤聲斷處
卽安瀾咫尺分明割鄉縣舟人醢酒妻孥喜歷盡驚濤
觀已止艱危莫漫數黃牛鹿角狼頭曹檣耳

戲題督郵爭界石

何年攘臂此山頭，風俗傳聞兩督郵。
蜀國至今悲杜宇，楚人終是戀鴻溝。
滄桑屢換身安屬，朝市頻更怒未休。
怪事荒唐君莫笑，古來黨禍本清流。

歸州

寥落歸州峽，靈均此卜居。
萬峰侵睥睨，三戶共村墟。
石勢疑山鬼，江聲泣女嬃。
巫咸招不下，風雨倍愁予。

三閭大夫廟

屈子湛身後，淒涼石屋存。
青山環梓里，白日暗湘沅。
悱惻彭咸意，殷勤漁父言。
問天懷佗祭，哀郢泣煩冤。
竟掩

重華袂難招萬古魂九歌悲帝子三秀憶王孫小雅兼
騷體長江寫淚痕切雲冠岌岌縹馬轡翻翻春雨蘭蓀
長秋原桂樹繁有時乘赤豹歸去媵文黿巫覡歛新簫
椒漿饗故園傳芭聞楚些擊汰向夔門終愧長沙傳神
其飲桂樽

峽中山水歌

我讀陸游入蜀記擬到峽中當續筆自從下牢至空舫
瑰偉離奇寫不出此事無過柳柳州鉤鉅潭古愚溪幽
慘澹經營小邱壑假令見此須神愁開闢以來具圖畫
北苑營邱兼馬夏日光動搖翠作波微雨乍收墨初瀉

萬里江流何滾滾元氣蒼茫勢將盡乃知匠者非偶然
玉柱銀房借粉本虎攫龍蹲露牙爪倏爾嬋娟弄妖姣
化工狡獪無不爲肯使丹青畱剩巧安得結廬長臥此
山則真山水真水

古香溪

昭君入宮洗妝於此色如碧玉入江數里不沒

明妃生長地環珮舊曾過遺恨畱青塚餘香染綠波一
朝辭漢月萬里渡交河倭墮宮中髻琵琶塞上歌花嬌
分半靨山翠蹙雙螺皓齒埋沙磧靈衣帶女蘿魂應精
衛化淚比杜鵑多近接湘纍廟傷心共汨羅

東漢

少陵客夔州垂老厭奔走扁舟欲東下悅澤此林藪高
人重掃除況乃棲遯久生趣勝同谷長鑱免自負菜把
給園官高棟斬檉柳種橘近千株秔稻頗棲畝告歸涕
漣如托贈南卿有往在紹興年故券猶未朽江山屢代
謝蕭條戎馬後茅茨四五家人虎半相守不知古草堂
更落幾人手披榛訪遺迹歛側剩杵曰峽人類麋鹿誰
能記詩叟公魂如可招歸來飲卮酒

天桂峰歌

孤峰突起何巖峽下臨江水清且寒拔地湧出翠蒲葢
梢雲戍削青琅玕欲繫扁舟暫容與櫓急濤驚不能語

夜半空山霹靂聲恐作蛟龍卻飛去

跳石灘

此上爲虎鬚子灘尤險

神女峰前江水平危灘忽報客心驚舟從豺虎鬚邊過
人踏鼉鼉背上行鳥道孤懸惟一髮猿啼恨少第三聲
高唐雲雨空回首霞氣霏微似赤城

巫山對月

二首

巫峽江深苦無月巫山見月出江津長江淼淼臨孤岸
新月娟娟似故人吹笛中宵鳥鵲起眠沙千點白鷗馴
峩嵒秋色應相待醉倚青天攬桂輪

渚清沙白載行廚此夜南樓興不孤春水映來同澹蕩

浮雲破盡失崎嶇素娥清影元今古神女高唐定有無
惆悵片帆衝灩澦煩君相送到巴渝

瞿唐峽

江入瞿唐窄乾坤此戶樞高雲天一握斷壁闕雙孤鳥
避黃龕去猿依黑樹呼艱危思歷覽幽興不能無

灩澦堆

江山天設險鎖鑰爾當關霸業興亡速舟航上下艱孤
城連白帝千里控烏蠻戎馬堪流涕哀鴻幾處還

雨

繫纜巫山縣空濛霽色分帆欹三峽雨衣溼五溪雲禁

陟輪筋力經過駭見聞登車思喻蜀深愧馬卿文

瞿唐峽口望舟人牽百丈行層巖亂樹中垂垂欲
墮瞻顧凜然因書印目

千尋翠嶂雨濛濛倒影江流躑躅紅巫峽猿聲啼不到
榜人身在畫屏風

三峽猿聲歌

我行三峽裡不見啼猿至似聞游子來前期遠相避語
云猿聲峽中作過客聞之淚雙落我疑此語頗不經勿
乃前人聊戲謔池上蛙鳴可以當鼓吹何獨於王孫之
啼兮悵於邑而錯愕將謂猿聲哀君不見雪浪如山萬

馬來盤渦激轉成殷雷將謂猿聲苦君不見山魃夜號
兮畫啼虎飽人而嬉兮噉且怒上有巉巖峭蒨之青山
下有稽天浸日之洪濤兮羗澎湃而潺湲熊羆蹲踞兮
蛟龍屈蟠豈可無此蒼髯碧目而纍纍兮奔騰聯臂於
其間雲門之瑟空桑琴陽阿激楚流哀音朱唇皓齒歌
繞梁憂來亦足傷人心吾欲召馮夷擊鼓兮鮫宮貝闕
方沉沉微風起兮水漣漪只初朏兮不盈規安得山靈
爲我呼汝出百羣倒挂虬松枝一聲振林壑二聲解人
頤三聲起舞欲相和痛飲不辭金屈卮曠億寶舞久寂
寞方音聊代巴渝兒梅花落羗笛園客彈哀絲不如空

山風雨夜清商變徵隨天機寄語往來萬里之客勿嗟
谷猿聲猿聲何足悲

雲陽縣

巴東胸臆邑地入古圖經薄稅輸鹽井荒城俯翠屏縱
橫豺虎跡蕪沒杜鵑亭月下聞新鬼哀鳴不可聽

畫角

江雨曉淒淒珍禽滿綠谿卻憐芳草內長伴子規啼高
閣頻相憶雕籠未許攜客途逢故物爲爾倍含悽

錦雞

巴東峽中浮水而至入子舟中子憐而畜之

暫謝華蟲侶來依青雀舟應無稻梁志不待網羅求敢

望頌章服

定制二品官服用錦雞

惟應舞畫樓失身由自衍感歎

不能休

下崖寺

春山曉逾妍灘聲夜來善愛此巖竇奇天作優曇院崩
剝百佛身僧徒鹿麋散龍象委碧苔山鳥相與喧懸泉
百餘尺洞口落飛霰霧交瓔珞垂電影珠璣亂躋險忘
履穿坐久憑衣濺澗道瀉哀響歸舟有餘戀何當炎暑
時高臥桃枝簟

雲陽道中作

放櫂白帝城圓月哉生魄天地忽開通山川饒蘊籍雪

山雪始融江漲凡數尺王程顧已遠寧免考功責布帆
卷復張郵籤不盈百沿岸見廢墟瘦田失阡陌漁燈亂
鬼火髑髏草間白鳩形半婦女腰鎌刈新麥胡不待其
黃飢來不遑擇父老前致辭衣穿多露脊正供御易輸
誅求苦絡繹府吏昨夜去沙上馬蹄跡遺民困繭絲禍
乃甚刑辟使君銜命來何以救焚炙嗟予忝上官對汝
覺顏赤近聞幕府賢下令減征役化瑟已更絃鴻雁有
安宅敢不自黽勉毛髮庶裨益太息此烝黎中夜轉踟
躇

九堆子怪石歌

女媧補天灰未冷星落三巴作藩屏巫峽嵌空洩元氣
賦就輪囷復麤猛混沌中央迄未鑿石不能言怒相逞
兒孫臃腫附其旁指有駢枝項生瘰雄虺九頭夔一足
當年圖入梁州鼎維摩空中獅子坐一萬二千各馳騁
江流東下勢莫當戛擊波濤真骨鯁君不見秦時李冰
守成都腰間白綬狂瀾徂厭勝刻作三犀牛勿乃借爾
爲形模江神至今遵誓約不似河伯驕蹇長奔趨清淮
助虐民其魚宣房未塞愁須濡蒼水使者在泥滓槌石
如山萬丁死李尋賈讓策紛紛強止兒啼啼不止安得
五丁鞭汝長淮西百川灌注分疆畦城郭不見鮫人棲

天子無勞沉白馬詔書罷築黃金隄

白帝城懷古

炎精中絕羣雄起赤眉之後有更始上邽小吏廣涉儔
夜郎自大稱天子坐擁牂牁連越雋襟帶縱橫萬餘里
隗囂杖策亦人豪虎視中原作唇齒莽新惡逾亡道秦
識符白水開真人昆陽城下鬼神泣犀象股慄妖星淪
父老重瞻夏少康玉步未改鐘虞新西河竇氏早歸命
金貂累葉稱純臣伏波將軍游說客不以干戈先玉帛
鸞旗左纛交讓冠邊幅空脩類巾幗井蛙之喻近見戲
片言已奪公孫魄或言函谷一丸封虎牙高峙誰能攻

勢去英雄不自料連雞破竹難相容人情得隴復望蜀
義旗已指巫山峰刺客連宵殺漢將身死社稷爲鬼雄
乘羸人去邈千載江流東下聲淙淙江水淙淙烟漠漠
古堞參差崩且落君不見永安宮殿久荒涼顧命殷勤
宛如昨譙周降表出成都安樂鄉公甘面縛

石子詩

蘇公吾郡歸袖中多異石作詩傲米顛珍重等球璧至
今彈子磯琅玕照沙磧牧兒競采掇盈筐翻棄擲我行
渺萬里峩睂訪遺宅江邊何磊磊五色紛相射興來忘
朝飢杖藜事探索辨晰窮秋毫快心矜一獲紅乃亞火

齊羊肋未爲白盤屈鳥獸形澹蕩雲霞跡客裝訝暴宣
詎羨波斯船貯以古定磁宣和錦爲藉物爲悅者容磨
洗轉光澤坡公如可呼連城肯輕易瑰璋豈盡收遇合
悲今昔膏盲坐踈懶垂老增一癖他日朝京師持以作
私覲

忠州作

客行二月三月時眼底千山萬山影黃昏繫纜蔓子城
犬吠雞鳴隔峰頂盛時烟火萬人家幾家幸得存腰領
鄔筒酒味苦酸澁傘子官鹽初出井箐林晝黑杜鵑啼
哀哀寡婦同悲哽欲叫天門亟上書賜復十年小臣請

舟中立夏

涪水流方合巴山望不窮
繞聽竹枝曲已過棟花風
散帙驚湍下歛帆細雨中
朝來思御葛乃尺念兒童

天生橋歌

天台石梁百餘丈縹緲丹梯不可上
匡廬瀑布垂雲端銀河倒挂千巖間
亭溪之水西北來發源月窟何雄哉
驪龍正睡老蛟蟄何人鞭起生風雷
雪山峩峩仆冰柱馮夷怒擊靈鼉鼓
六鰲鼻額高崔巍濺玉霏珠自吞吐
虹橋橫跨出天然元氣渾茫絕斤斧
奔濤忽斷咽不流下穿雙穴如咽喉
須臾潰決勢莫禦動搖林壑風颼颼

萬鈞强弩齊注射驂驅頓掣金絡頭我來濯纓還洗耳
酌之不異中冷水猿啼虎嘯車馬絕可憐汨沒空山裡
噫嘻乎古來賢士轍軻亦如此必逢困阨聲名起屈子
離騷馬遷史不得其平應爾爾殘月輝輝攪醉眠猶覺
泉聲撼窗紙

水陽溪早發

渺渺孤帆挂曉風江流環合曲如弓夢魂不識三巴路
只道青山是剡中

麻倉灣

春江漸滿白沙痕橘樹楓林帶遠村無限烟波新雨後

畫圖端屬趙王孫

孫永年敬刊

曾孫

字宜寧

審校訂

安雅堂未刻稿入蜀集上終

安雅堂未刻稿

入蜀集下

萊陽 宋 琬 玉叔 著

新城 王士正 貽上 定

水調歌頭

祝查伊璜七十

卮酒爲君壽四座請無喧
歲星應是方朔聊復謫人間
歎息佳人空谷天遣平章風月
蝦菜五湖船月下雪兒
唱新譜小游仙 泛滄海窺禹穴
夢邯鄲綠瞳華髮先
生骨貌轉翛然放跡烟霞之外
高臥羲皇以上笑相葛
洪肩莫向方壺去少駐一千年

風流子

贈劉峻度兼送令弟彥度孝廉公車北上

竹西歌吹地樊川客杜牧擅風流問壇坫主盟誰操牛
耳孝標苗裔豪邁無儔身將隱簪裾如敝屣邱壑信優
游二八鶯喉嬌歌子夜十三雁柱低按涼州蘭亭高
會罷紗窗頻翦燭歷亂觥籌爲道鬚眉如此笑拂吳鉤
歎錦瑟華年是鄉堪老青州從事此外都休更喜火攻
阿弟五鳳能修

滿江紅

拜方正學先生祠

木末亭邊聽山鬼啾啾宵哭陽九厄衣冠道盡傷哉臣
僕七國肯因晁錯解先生禍比溫舒酷訝當年碧血濺
蘼蕪今無綠魚服泣君王逐瓜蔓殺門生族歎詩書
種絕何人能續簡牘空餘南史恨松杉已見長陵禿
荒祠燈火尚青燐金甌覆

漢書人皆三族王溫舒五族
先生喫血禁庭至今地無春

草

贈江都令軒轅汶湄

誰賦蕪城到今日堪悲鮑照凋瘵後急須和扁刀圭立
效御馬善稱東野畢投巫人羨西門豹有淮南父老詫
河清如公笑書下考仍長嘯辭五斗從吾好忽九霄

丹鳳銜來溫詔曠典河陽容借寇提封古驛原名邵邑
邵伯問懸魚挂壁尚依然庖丁道

青玉案

何匡山齋中牡丹將放作此詞問之兼索其酒

玉環飛燕方嬌小看葉葉輕霞裊蛺蝶蜂兒忙在曉帶
露含啼臨風偷笑莫待都開了花神欲醉須醉醺最
愛君家麴生好蚤起衣裳渾欲倒畫欄憑處提壺頻喚
願作花間鳥

浪淘沙

無題

何處可銷愁鄉是溫柔夢爲蝴蝶入西樓生怕玉人珊
枕上帶怒佯羞殘月挂簾鉤被冷香篝笑看織女與
牽牛脉脉銀河纔咫尺不駕輕舟

憶王孫

賦得不曾真個也銷魂

花枝嫋嫋玉亭亭雲母窗深倚翠屏消得橫波目乍成
負卿卿帳底分明隔錦城

吾家宋玉自多才曾賦高唐神女來賺得襄王夢不回
楚陽臺幻雨荒雲總費猜

青山層疊水瀠洄千樹桃花繞澗開剛進胡麻飯一杯

問天台知否劉郎敢再來

沁園春

張黃門枚菴招飲郊園感舊而作

君有幼子最愛
吾兒亦吳姬出

也

把酒花前俛仰乾坤猶剩吾曹憶西清奉引曾陪汲黯
南冠憔悴同祭臯陶諫草空焚釣竿長把三徑荒蕪仲
蔚蒿長安道歎東門黃犬幾度悲號於今華髮蕭蕭
但痛飲狂歌興未消向蓮社叅禪無人能解醉鄉娛老
有脫而逃白眼看他飛揚跋扈螺贏螟蛉之二豪三年
後看兩家兒子誰似枚臯

金公調賢而隱於醫有園林竹石之樂年已逾六
新納一姬先生素患頭風作此詞嘲之

柳暗柴門苔深竹徑芍藥初紅羨烟霞高臥結廬水曲
鹿麋爲伴避世牆東女子知名兒童拍手笑指韓康藥
滿籠吾何幸向繩牀丹竈鎮日相從朝來睡起初慵
怡神女飛來第幾峰看博山爐底雙眠翡翠綠紗窗外
並蒂芙蓉我輩鍾情溫柔堪老鶴似精神玉似容催妝
賦校陳琳檄草立愈頭風

鷓鴣天

陳叔明行年七十有三邑宰高其誼聘爲鄉飲介

賓固辭不就其殆隱君子之流歟

誰守柴門是野鷗花邊茶臼竹間樓古人偏愛陶元亮
祭酒咸推陳太邱九節杖一扁舟布衣焉敢謁諸侯
老人未鯁何須祝且往前村飯犍牛

俯仰乾坤一草亭科頭箕踞眼還青休妨南郭先生睡
不羨東吳處士星泥藥竈護花鈴春來蜂蝶共經營
兒孫功課無他事熟讀龜蒙耒耜經

門外垂楊隱釣船醉來畱客大牀眠風前鐵笛誰三弄
壁上雷琴剩一絃顏沃若室蕭然盟鷗狎鷺費周旋
籠中嬌鳥歌偏好辛苦教成十二年

烏名吉天丁先生
纂養有年繼之

去人曰此
壽鳥也

滿庭芳

賀汪子梧舉第十一孫

圖號秋霞人如瓊樹新來鶴髮鬢鬢華封人祝惟爾一
身兼佳氣充閭瑞靄石麟降蓬矢新添孫枝好苟龍有
八薛鳳又成三 華堂臨曲水堦翻紅藥杯映銀蟾更
高燒華燭低按鴟絃此日書祥太史報君家象緯頻占
分湯餅花前起舞詞客老江淹

離亭燕

題胡履泰小像

野鶴翩翩閒雅風度如君瀟灑白眼科頭天地外此意
無人知者何處覓行踪長在遠公蓮社 孝筭曾生堂
下旦晚徵書來也布襪青鞋游五嶽懶問向平婚嫁若
箇寫丹青應是將軍曹霸

念奴嬌

高郵懷秦少游

武安湖畔問當日秦七遺踪何處水齧城根葭葦亂鵝
鴨紛紛無數詞客云亡無人解道山抹微雲句停撓沽
酒一樽欲酌君墓 樂府名擅無雙烏絲寫罷擅板歌
金縷同調東坡居士在高唱大江東去紅豆拋殘白楊

凋盡郭外漁舟鼓流螢千點月明還繞烟樹

沁園春

送孫無言歸黃山

鎮日思歸臨水登山云胡不歸羨君誠高士堪五湖長
千其逋客愧北山移結遍賢豪厭聞歌管十載揚州夢
已非家何在有珠簾雲海雪竇烟扉年年車馬逶遲
空折盡隋堤柳幾枝笑故園三徑桂蘭頻老層巒萬疊
猿鶴長啼或問先生笑而不荅待滿詞人餞別詩真歸
矣任山靈見誚百罰奚辭

賀新郎

將發廣陵黃仙裳以詩來索贈作此詞荅之

雙樂將鳴也投半刺汝南叔度丰姿閒雅倒屣延君居
上座談笑風生朱夏長太息娉婷未嫁袖出明珠三百
斛是元和而上開元下堪把臂遠公社相思久矣相
逢乍立斯須迴帆羯鼓爲君重打同學少年多不賤強
半五陵衣馬誰信道黃鐘暗啞載酒陳琳荒塚畔是當
年曾遇知音者千載後爾其亞

滿江紅

題鄭古遺小像

白晳虬髯論標格雞羣之鶴堪想像虎頭掾筆解衣盤

礪劇孟差堪爲伯仲
幼輿暫許棲邱壑
怪新來金甲綠沉槍
渾拋卻
橋上叟曾聞約
幾度如今若住花眠柳
醉風嘲月謔
方外求羊隨杖履
禁中頗牧思韜畧
看他年長劍倚崆峒
圖麟閣

洞仙歌

題喬松柱石圖爲蔡魁吾先生壽

誰寫翠虹影
騰攫上輕綃
祇應西嶽峰頂仙掌共高標
下有茯苓千歲閭
盡秦封漢代甲子等昏朝
髮髯度清籟中夜奏簫韶
榮三秀擎五粒勢崑崙龍門岌嶮穹
然東控海門潮
已兆松生腹上佇起東山安石玉燭待

公調壽域九州遍方許訪王喬

驀山溪

題戴葭涓畫趙閒仙小像

烏衣王謝兩世交情好記在莫愁湖把君手方成一笑
風流張緒楊柳正三春看玉樹送仙舟沿岸人圍繞
虎頭妙筆宛爾丰神肖金粟應前身早朝回翛然學道
高橫塵尾衣帶御爐烟須認取畫圖人直歷中書考

賀新郎

爲龔芝麓先生壽

白雪詩盈卷笑微軀未堪衆嫉幾從嚴譴公也纓冠驟

欲解知己感恩雙泣身已似三眠殘繭洛下重來劉夢
得問種桃道士花深淺陪劍履兩眉展丹心皎皎風
雷顯佐天家禮資翹葉醫需和扁社稷臣元推汲黯過
眼白衣蒼犬請禮數今宵都免龍馬精神方健在補宗
彝藻火垂虞典歌進酒燭頻剪

模魚兒

采石弔李太白作

問青山謫仙安在招魂來下員嶠沉香亭畔揮毫處猶
憶太真微笑鯨背好髮髯有文狸赤豹爲前導宣城謝
朓賦佳句驚人澄江如練千載可同調蠶叢路屐齒

當年曾到羊腸詰曲今猶昔爲我再歌蜀道停蘭櫂君
不見浣花溪上空蘿薦吾將灑掃喚起杜陵翁我眉山
月中夜聞長嘯

鷓鴣天

官牌夾作

細雨濃烟約畧橫漁燈幾點滅還明山如好友初謀面
路似生人未識名 風力緩布帆輕勝聲伊軋雜鷗聲
畫師總有王摩詰一片空濛寫不成

正月旣望泊舟三江口同諸兄暨兒輩觀楚人演
劇賽神歸來小飲漏下三鼓始罷

且繫蘭舟上小坡閒看村社杖橫拖數家白板魚鱗屋
幾道青渠燕尾波燈爛漫舞婆娑朱顏暫借酒微醺
小兒何似香山姬愛聽衰翁赤壁歌

孫永年敬刊

曾孫

字宜寧

校訂

審

安雅堂未刻稿入蜀集下終

安雅堂未刻稿

入蜀集下

九